



კანონთა და ბუნაპარგულმებათა კრებული

ამიერკავკასიის სოციალისტური ფედერაციული საბჭოთა რესპუბლიკის
მუშათა და გლეხთა მთავრობისა.

<p>1930 წლის აპრილის 16.</p>	<p>№ 7 განყოფილება პირველი</p>	<p>ა/კსფსრ სახალ. კომისართა საბჭოს საქმეთა მმართვე- ლობის მიერ გამოცემული.</p>
----------------------------------	------------------------------------	--

შ ი ნ ა ა რ ს ი :

- მუხ. 85. 1930 წლის საგზაფხულო კამპანიისათვის ბამბის თესვის გეგმის აღსრულების უზრუნველსაყოფად საჭირო ღონისძიებათა შესახებ.
- „ 86. ისეთი პირობების შექმნის შესახებ, რომ I-ლ და მე-II საფეხურის სკოლები ნამდვილად ხელმისაწვდენი იყოს მუშათა, კოლმეურნეთა, მოჯანაგირეთა და ღარიბთა შვილებისათვის, და არამშრომელთა შვილების მიღების შესახებ.
- „ 87. „სსრ კავშირის საარჩევნო კანონმდებლობის დარღვევის თავიდან აცილების თაობაზე“ გამოცემული სსრ კავშირის ცენტრალური აღმასრულებელი კომიტეტის პრეზიდიუმის 1930 წლის მარტის 22-ის დადგენილების განხორციელების შესახებ.
- „ 88. პირადი რეწაობის დაბეგრისათვის სახელმწიფო სარეწაო გადასახადის მტკიცე განაკვეთების დაწესების შესახებ.
- „ 89. 1929 წელს ა/კსფსრ ტერიტორიაზე 1907 წ. დაბადებულ მოქალაქეთა გაწვევისა და სახელმწიფო ორგანოთა მიერ ამ გაწვევაში უშუალო მონაწილეობისათვის თავიანთი მოვალეობის აღსრულების შესახებ.
- „ 90. ხე-ტყის და შეშის დამზადებისა და მერქანის ჩამოტვიტების საქმეში წარმოებულ ღირებულების ჩაშლასთან ბრძოლის ღონისძიებათა შესახებ.
- „ 91. წყალთა ადგილობრივი ადმინისტრაციების სათანადო აღმასრულებელი კომიტეტებისა და სასოფლო საბჭოებისათვის დაქვემდებარების შესახებ.
- „ 92. ა/კსფსრ-ში იმ საზოგადოებათა და კავშირთა დაარსებისა და ლიკვიდაციის წესის შესახებ, რომელნიც მოგებას არ მისდევენ.
- „ 93. „საბავშვო ბავთა, საბავშვო ბაღთა და ბავშვების დამცველ სხვა დაწესებულებათა მიერ მუშა-ქალღმის ბავშვებისათვის გასაწვევი მომსახურების გასაძლიერებლად საჭირო ღონისძიებათა თაობაზე“ გამოცემული ამიერკავკასიის ცენტრალური აღმასრულებელი კომიტეტისა და ა/კსფსრ სახალხო კომისართა საბჭოს 1928 წლის ნოემბრის 19-ის დადგენილების მე-2 მუხლის შეცვლის შესახებ.
- „ 94. წყალში დაღუპვისაგან გადამარჩენ საზოგადოებათა მოქმედების განვითარებისათვის ხელისშემწყობ ღონისძიებათა შესახებ.
- „ 95. კალაქის სოფელთან დაკავშირების საზოგადოებისათვის შეღავათების მინიჭების შესახებ.

- მუხ. 96. „რკინის გზით და წყლის ტრანსპორტით პურეული ტვირთის გადაზიდვის ეკონომიურად მოწესრიგების თაობაზე“ გამოცემული ა/კსფსრ კომისართა საბჭოს 1929 წლის ოქტომბრის 18-ის დადგენილების მოქმედების შეჩერების შესახებ.
- „ 97. მთლიანი კოლექტივიზაციის რაიონებში დროებით სამუშაოდ გაგზავნილ მოანგარიშ-მომუშავეთა შეღავათების შესახებ.

დადგენილება № 226 ა/კსფსრ სახალხო კომისართა საბჭოსი.

85. 1930 წლის საგაზაფხულო კამპანიისათვის ბამბის თესვის გეგმის აღსრულების უზრუნველსაყოფად საჭირო ღონისძიებათა შესახებ *).

1930 წლის საგაზაფხულო კამპანიისათვის ბამბის თესვის გეგმის აღსრულების სრული უზრუნველყოფის მიზნით ა/კსფსრ სახალხო კომისართა საბჭო ადგენს:

1. წინადადება მიეცეს ყველა იმ ორგანიზაციას, რომელიც საკონტრაქტაციო ხელშეკრულებას სდებს ბამბის მთესველებთან, მიიღოს სახელმძღვანელოდ, რომ ხელშეკრულება აუცილებლად უნდა დაიდოს კოლექტიურ მეურნეობებთან, მარტივ შენაერთებთან, სოფლის საზოგადოებებთან და აგრეთვე იმ ინდივიდუალურ ღარიბ და საშუალო მეურნეობებთან, რომლებიც შენაერთებში არ შესულან.

შენიშვნა. საკონტრაქტაციო ხელშეკრულება შეიძლება დაიდოს აგრეთვე ისეთ შეძლებულ საგლეხო მეურნეობასთან, რომელიც მოკლებულია ერთიანი სასოფლო-სამეურნეო გადასახადის შეღავათებს, რაც მინიჭებული აქვს საშუალო მეურნეობებს, ხოლო, ამასთანავე, დაცულ უნდა იქნეს საკონტრაქტაციო ხელშეკრულებების დადებისათვის და ავანსირებისათვის დაწესებული დიფერენცირებული ნორმა.

2. დაწესებულ იქნეს, რომ ინდივიდუალური მეურნეობა, რომელიც სასოფლო-სამეურნეო გადასახადს ინდივიდუალური წესით იხდის, მოვალეა დათესოს ბამბა მთლად იმ მიწის ფართობზე, რაც ბამბისათვის ვარგა და რაც უზრუნველყოფილია ზაფხულში სარწყავი წყლით; ამასთანავე, ფართობის რაოდენობას განსაზღვრავს სასოფლო ყრილობა და დამტკიცებს სასოფლო საბჭო.

3. სასოფლო საბჭო განსაზღვრავს არა მარტო იმ ფართობის ოდენობას, რაც აუცილებლად უნდა დაითესოს, არამედ დათესვის ვადასაც; ამასთანავე, იმ მეურნეობას, რომელიც დაარღვევს დათესვის ვადას და რაოდენობას, ჩამოერთმევა მიწის სარგებლობის უფლება და მის სარგებლობაში ქონებული მიწა გადაეცემა განსაზღვრულ სექტორს (უახლოეს საბჭოთა მეურნეობას, კო-

*) „ზარია ვოსტოკა“-ს 63 №-ში 1930 წ. მარტის 10-ს გამოქვეყნებული ა/კსფსრ სახალხო კომისართა საბჭოს 1930 წ. მარტის 7-ის დადგენილება „1930 წლის საგაზაფხულო კამპანიისათვის ბამბის თესვის გეგმის აღსრულების უზრუნველსაყოფად საჭირო ღონისძიებათა შესახებ“ — შეცვლილია ამა დადგენილებით.



ლექტიურ მეურნეობას, კოოპერატიულ შენაერთს ან ღარიბ და საშუალო მეურნეობათა ჯგუფს).

4. მიენდოს მებამეობის მთავარი კომიტეტის ამიერკავკასიის განყოფილებას დაავალოს მებამეობის ამხანაგობათ მისცენ ხოლმე მე-2 მუხლში აღნიშნულ მეურნეობათ დასათესი თესლი უწყებულები რაიონისათვის მიღებული ნორმების მიხედვით, ანგარიშის ნაღდად გასწორებით ან ნისიად მოსავლის რეალიზაციამდე.

5. აღნიშნული მეურნეობანი მოვალენი არიან ჩააბარონ მებამეობის ამხანაგობებს ნედლი ბამბის მთელი მოსავალი, რაც მოვა მთლად მათ მიერ დათესილ ფართობზე, 1930 წლის სეზონისათვის მთავრობის მიერ დადგენილ ფასად.

შენიშვნა. მიწების სათანადო რეგისტრაცია და აღნიშნული მეურნეობების მიერ თავიანთ ვალდებულებათა შესრულებისათვის მეთვალყურეობის გაწევა დაეკისრება სასოფლო საბჭოებს.

6. წინადადება მიეცეს ა/კსფსრ ფინანსთა სახალხო კომისარიატს ბამბის ნათესები დაბეგროს მეზინდერეობის შემოსავლიანობის ერთიორად შემცირებული ნორმების მიხედვით და ბამბით ნათესი ფართობები ახალ რაიონებში გაანთავისუფლოს გადასახადისაგან ხუთი წლის განმავლობაში.

შენიშვნა 1. ბამბის თესლობრუნებაში შემავალი იონჯით დათესილი ფართობები განთავისუფლებულ უნდა იქნეს გადასახადისაგან დათესვის პირველ წელს.

შენიშვნა 2. 1929-30 წელთან შედარებით ნამატი ბამბით ნათესი ფართობი განთავისუფლებულ უნდა იქნეს გადასახადისაგან, თუნდაც საერთო ნათესი ფართობი არ გადიდდეს.

7. წინადადება მიეცეს ა/კსფსრ მიწათმოქმედების სახალხო კომისარიატს და სსრ კავშირის მებამეობის მთავარი კომიტეტის ამიერკავკასიის განყოფილებას განახორციელონ კოლექტიურ მეურნეობებში ბუღობითი მეთოდით აგროკომპლექსური ღონისძიებანი, იმ პირობით, რომ, ამასთანავე, აუცილებლად მოცულ იქნენ ინდივიდუალური ღარიბი და საშუალო მეურნეობანი, რომლებიც ბუღობითს რაიონში შედიან.

8. ნებადართულ იქნეს დაქირავებული მუშა-ხელის გამოყენება ყველა ინდივიდუალურ მეურნეობაში, სადაც ბამბის ნათესი ფართობი ოცდაათ პროცენტს მაინც შეადგენს, ბამბის მარგვლისა და თოხნის დროის განმავლობაში (ივნისის 1-დან ივლისის 25-მდე) ვადით არა უმეტეს ორმოცდაათი სამუშაო დღისა და ამავე რაოდენობით ბამბის კრეფის დროს (ოქტომბრის 1-დან დეკემბრის 1-მდე).

9. ნება დაერთოს კოლექტიურ მეურნეობებს დაიქირაონ მუშა-ძალა ამა დადგენილების მე-8 მუხლით გათვალისწინებულ პერიოდში, როგორც ბამბის მარგვლისა და თოხნის პერიოდში, ისე ნედლი ბამბის კრეფის პერიოდში ვადით არა უმეტეს ოცდახუთი სამუშაო დღისა ბამბის ნათესის ერთ ჰექტარზე თვითიური პერიოდისათვის.

10. იმ მიზნით, რომ მუშაობა რაც შეიძლება ნაყოფიერი იყოს, საჭიროდ იქნეს ცნობილი, რათა ტრაქტორით ხენა სწარმოებდეს მთლიან მასსივებად.

11. მიენდოს ა/კსფსრ შედგენილობაში შემაველი რესპუბლიკების სახალხო კომისართა საბჭოებს წინადადება მისცენ აღნიშნული რესპუბლიკების წყალთა მეურნეობის სამმართველოებს—დაავალონ წყალთა ოლქების ყველა უფროსებს, რათა მათ უშუალო აქტიური მონაწილეობა მიიღონ თესვის კამპანიის ჩატარებაში, აცნობონ, თავიანთი ქვედა აპარატებისა და სასოფლო საბჭოების მეშვეობით, ბამბის მთესველთ, რომ შეპირებული მიწის ფართობი უზრუნველყოფილი იქნება წყლით, და გაითვალისწინონ აგრეთვე, რომ საჭიროა მთელი საზაფხულო სარწყავი წყალი, რაც მიმინდვრეობის კულტურებისათვის არის დანიშნული, გამოყენებულ იქნეს მხოლოდ ბამბის ნათესების მოსარწყავად.

ა/კსფსრ სახალხო კომისართა საბჭოს
 თავმჯდომარე შ. ელიავა.

ა/კსფსრ სახალხო კომისართა საბჭოს
 საქმეთა მმართველის მოადგილე ა. ბომბინი.

1930 წ. მარტის 15.
 ტფილისი-სასახლე.

დადგენილება № 232 ა/კსფსრ სახალხო კომისართა საბჭოსი.

86. ისეთი პირობების შექმნის შესახებ, რომ I-ლი და მე-II საფეხურის სკოლები ნამდვილად ხელმისაწვდენი იყოს მუშათა, კოლმეურნეთა, მოჯამაგირეთა და ღარიბთა შვილებისათვის, და არამშრომელთა შვილების მიღების შესახებ.

სათანადო პირობების შექმნა იმისათვის, რათა მასიური სკოლა მაქსიმალურად ხელმისაწვდენი იყოს მუშათა, კოლმეურნეთა, მოჯამაგირეთა და ღარიბთა შვილებისათვის მუდამ წარმოადგენდა საბჭოთა მთავრობის ყურადღებისა და მოთხოვნის საგანს.

ამის მიხედვით საჭიროდ იქნა ცნობილი, რათა სათანადო ორგანოებს ყურადღება მიექციათ მუშებისა, გლეხებისა და მშრომელთა შვილების სკოლაში მიღების საქმისათვის და პირველ რიგში უზრუნველყოთ მათი მიღება.

მაგრამ რადგანაც მუშებისა, გლეხების ღარიბი ფენებისა და მშრომელთა შვილები მატერიალურად ნაკლებ უზრუნველყოფილი არიან, ბუნებრივია, რომ მოსწავლეთა ამ კატეგორიაში ხშირი იყო მეორწლიანობა და სკოლისაგან ჩამოშორება.

აღნიშნულის გამო, იმ მიზნით, რათა შეიქმნას სათანადო პირობები და I და II საფეხურის სკოლა ნამდვილად ხელმისაწვდენი გახდეს მუშათა, კოლ-

მეურნეთა, მოჯამაგირეთა და ღარიბთა შვილებისათვის, საჭიროა ფართოდ განხორციელება ისეთი ღონისძიებებისა, როგორც არის, მაგალითად, სასტიპენდიო უზრუნველყოფა, ტანსაცმელის, ფეხსაცმელის, საკმელ-სასმელის და სასწავლო წიგნების უფასოდ მიწოდება, სწავლაში ჩამორჩენილ მოსწავლეთათვის ინდივიდუალური დახმარების საქმის ორგანიზაცია, სასკოლო მუშაობის მეთოდების გაუმჯობესება მათი აქტივიზაციის საშუალებით, შრომითი პროცესების შემოღება, სოციალისტური მშენებლობისა და ყოფაცხოვრების მოთხოვნებთან სკოლის შეგუება, მე-II საფეხურის უფროს კონცენტრში პროფესიონალური მომზადების საქმის გაუმჯობესება და სხვ.

ერთიანი შრომის სკოლის ყველა ჯგუფში მუშათა, კომმეურნეთა, მოჯამაგირეთა და ღარიბთა შვილების რიცხვის გადიდების ღირქტივების განსავითარებლად—ა/კსფსრ შედგენილობაში შემაჯავლი რესპუბლიკების განათლების სახალხო კოაისარიატებმა მისცეს თავის ადგილობრივ ორგანოებს მთელი რიგი პრაქტიკული წინადადებანი, რომელთა განხორციელებასაც შედეგად უნდა მოჰყოლოდა სკოლებში პროლეტარული ფუძის ხედრითი წონის გადიდება.

მაგრამ ადგილებიდან მიღებული ცნობები მოწმობს იმას, რომ სკოლებიც და ხელისუფლების ადგილობრივი ორგანოებიც ცდილობენ მუშათა, მოჯამაგირეთა და ღარიბთა შვილების ხედრითი წონის გადიდების ამოცანა გადასწყვიტონ სკოლიდან არამშრომელთა შვილების გამორიცხვის საშუალებით. უკანასკნელ დროს მოსწავლეთა პირაღებით გამორიცხვა წმენდის წესით ზოგჯერ საშუალო გლეხთა, შინამრეწველთა და ხელოსანთა შვილებზედაც ვრცელდება. გამორიცხვა, რაც ამაჟამად მასსიურ ხასიათს იღებს, ისეთ ბავშვებზედაც კი ვრცელდება, რომელნიც მიმივ მატერიალურ პირობებში იმყოფებიან, რის გამოც ისინი ხშირად თითქმის სრულიად უპატრონოდ რჩებიან.

სხვადასხვა მტრული კლასობრივი გავლენა, რასაკვირველია, თავს იჩენს სკოლებშიაც. კულაკები და ქალაქის კაპიტალისტური ელემენტები, მოსწავლეთა მეშვეობით და ზოგჯერ პროლეტარიატისა და საბჭოთა ხელისუფლებისათვის უცხო ცალკეული პედაგოგების მეშვეობით, ცდილობენ სკოლაში თავისი გამზრუნელი გავლენა შეიტანონ. ყოველგვარ ასეთ ცდას უნდა დაუპირისპირდეს საბჭოთა მასწავლებლების ენერგიული საპედაგოგო და საზოგადოებრივი მუშაობა, პიონერთა რაზმებისა და კომკავშირის მტკიცე მოქმედება და სხვ.. ბოლოს, სახალხო განათლების ორგანოებს საშუალება აქვთ განდევნონ სკოლიდან დეზორგანიზატორული, ხულიგნური ელემენტები, რომელნიც კონტრევოლიუციონურ გამოსვლებს მიმართავენ, მაგრამ I და II საფეხურის სკოლიდან ბავშვების გამორიცხვა მარტოოდენ მათი სოციალური შთამომავლობის მიხედვით ან იმის მიხედვით, რომ მოსწავლის მშობლებს თუ მეურვეს საარჩევნო უფლება არა აქვთ, ა/კსფსრ სახალხო კომისარიატ საბჭოს შეუძლებლად მიაჩნია. ეს განსაკუთრებით მიუღებელი და გაუმართლებელია სწორედ დღეს, როდესაც კლასობრივი ბრძოლის გამწვავება, რაც სოციალისტური შეტევისა და წარმატებით განვითარებული საბჭოთა აღმშენებლობის შედეგია, ხშირად იწვევს გადაჯგუფებას და ფენებად დაყოფას იმ ოჯახში, რომელიც არაპროლეტარულ კლასობრივ ჯგუფებს ეკუთვნის. ამ დიფერენციაციის დროს მოზარდი ახალგაზრდობა ხშირად



უპირდაპირდება ოჯახს იდეურად, ზოგჯერ იგი ყოფაცხოვრების მხრივაც შორდება ამ ოჯახს, რომელიც პროლეტარიატისადმი კლასობრივად და იდეოლოგიურად მტრულად განწყობილია, და სკოლაში პოულობს დასაყრდენს თავისი რევოლუციონური შეხედულებებისათვის და ძველი ოჯახის გავლენის წინააღმდეგ ბრძოლისათვის.

სოციალისტური მშენებლობის მძლავრი ზრდა, კაპიტალიზმის ნაშთების ლიკვიდაცია და ყოფაცხოვრების მიახლოება უკლასო საზოგადოების პირობებისადმი—საყოველთაო სწავლების იდეას უაღრესად აქტუალური საკითხების რიგში აქცევს და მოითხოვს მასსიური დაბალი და საშუალო სკოლისაგან მთლად უმცროსი ასაკის ბავშვთა აღზრდას კომუნისტური მსოფლმხედველობის შესაბამისად.

გამორიცხვისა და წმენდის პრაქტიკა მხოლოდ სარგებლობას მოუტანს მტრულად განწყობილ კლასობრივ ელემენტებს, რომელნიც ცდილობენ შეაჩერონ პროცესი მთელი ახალგაზრდობის გადასვლისა (კომკავშირის, პიონერთა მოძრაობის და სხვ. გავლენით) სოციალიზმის მშენებელი პროლეტარიატის პოზიციებზე.

სკოლა, საპედაგოგო კოლექტივი და ბავშვთა ორგანიზაცია, რომელიც ბრძოლის მექანიკურ საშუალებებს მიმართავს, ცხადია, ვერ დასძლევს ბავშვთა მთელი მასის კომუნისტური მიმართულებით აღზრდის ამოცანას.

ზემოაღნიშნულის მიხედვით ა/კსფსრ სახალხო კომისართა საბჭო ადგენს: დაევალოს ა/კსფსრ შედგენილობაში შემავალი რესპუბლიკების სახალხო კომისართა საბჭოებს წინადადება მისცენ აღნიშნული რესპუბლიკების განათლების სახალხო კომისარიატებს:

1) მაქსიმალურად გააძლიერონ მუშაობა, რათა შეიქმნას სათანადო პირობები იმისათვის, რომ სკოლა, სხვა შორის—უფროსი ჯგუფებიც, ნამდვილად ხელმისაწვდელი იყოს მუშათა, კოლმეურნეთა, მოჯამაგირეთა და ლარიბთა შვილებისათვის;

2) სკოლაში მიღებისა და თავისუფალი ადგილების შევსების დროს მტკიცედ იხელმძღვანელონ მშრომელთა შვილების პირველ რიგში მიღების წესები;

3) დაუყოვნებლივ შესწყვიტონ I და II საფეხურის სკოლებში მოსწავლეთა ყოველგვარი წმენდა სოციალური ნიშნის მიხედვით;

4) იხმარონ ღონისძიება, რსთა სოციალური ნიშნის მიხედვით გამორიცხულნი აღდგენილ იქნენ;

5) აკრძალონ არამშრომელთა წრიდან გამოსულ მოსწავლეთა უფლების შეზღუდვა სხვა მოსწავლეებთან შედარებით.

ა/კსფსრ სახალხო კომისართა საბჭოს
თავმჯდომარე შ. ელიავა.

ა/კსფსრ სახალხო კომისართა საბჭოს
საქმეთა მმართველის თანამდ. დრ. აღმასრ. ა. ბანოვიჩი.

1930 წ. მარტის 25.

ტფილისი—სასახლე.

გამოქვეყნებულია „ზარია ვოსტოკა“-ს 91 №-ში 1930 წ. აპრილის 8-ს.

დადგენილება ამიერკავკასიის ცენტრალური აღმასრულებელი კომიტეტისა

87. „სსრ კავშირის საარჩევნო კანონმდებლობის დარღვევის თავიდან აცილების თაობაზე“ გამოცემული სსრ კავშირის ცენტრალური აღმასრულებელი კომიტეტის პრეზიდიუმის 1930 წლის მარტის 22-ის დადგენილების განხორციელების შესახებ.

ამიერკავკასიის ცენტრალური აღმასრულებელი კომიტეტი ადგენს:

1. წინადადება მიეცეს ა/კსფსრ შედგენილობაში შემავალი რესპუბლიკების ცენტრალურ აღმასრულებელ კომიტეტებს:

ა) დაუყოვნებლივ იხმარონ სათანადო ღონისძიებანი, რათა განხორციელებულ იქნეს სსრ კავშირის ცენტრალური აღმასრულებელი კომიტეტის პრეზიდიუმის 1930 წლის მარტის 22-ის დადგენილება „სსრ კავშირის საარჩევნო კანონმდებლობის დარღვევის თავიდან აცილების შესახებ“;

ბ) საარჩევნო უფლება-ჩამორთმეულ პირთა სიების შესამოწმებლად მოაწყონ სპეციალური კომისიები ა/კსფსრ შედგენილობაში შემავალი რესპუბლიკების ცენტრალურ აღმასრულებელ კომიტეტებთან, აგრეთვე ავტონომიური რესპუბლიკებისა და ავტონომიური ოლქების ცენტრალურ აღმასრულებელ კომიტეტებთან, საოლქო აღმასრულებელ კომიტეტებთან, ხოლო იქ, სადაც საოლქო აღმასრულებელი კომიტეტი მოწყობილი არ არის, სამაზრო აღმასრულებელ კომიტეტებთან;

გ) დააკისრონ საარჩევნო უფლება-ჩამორთმეულ პირთა სიების უშუალო შემოწმება საოლქო და სამაზრო კომისიებს, ხოლო რესპუბლიკანურ ცენტრალურ აღმასრულებელ კომიტეტებთან არსებულ კომისიებს—საერთო ხელმძღვანელობისა და მეთვალყურეობის გაწევა სიების შესამოწმებლად წარმოებულ მუშაობისათვის;

დ) „ბ“ ლიტერაში აღნიშნული კომისიები მოაწყონ იმ წესით და იმ შედგენილობით, რაც განსაზღვრულია ცენტრალური და ადგილობრივი საარჩევნო კომისიებისათვის ამიერკავკასიის ცენტრალური აღმასრულებელი კომიტეტის 1927 წლის დეკემბრის 5-ის დადგენილებაში „1928 წ. საბჭოთა არჩევნების ინსტრუქციის დამტკიცების შესახებ“ (ა/კსფსრ კან. კრ. 1927 წ. 22 №-ი, მუხ. 244);

ე) იმ ოლქებსა და მაზრებში, სადაც უნდა მოხდეს სასოფლო საბჭოების ვადამდე არჩევა, სიების შემოწმებელი კომისიების ფუნქციები დააკისრონ საოლქო და სამაზრო საარჩევნო კომისიებს;

ვ) მოქალაქეთა მიერ საარჩევნო უფლების უკანონოდ ჩამორთმევის შესახებ შეტანილი განცხადებების განსახილველად და აგრეთვე საარჩევნო უფლება-ჩამორთმეულ პირთა სიების შესამოწმებლად წარმოებული მუშაობა ყველა ინსტანციაში, ა/კსფსრ შედგენილობაში შემავალი რესპუბლიკების ცენტრალური აღმასრულებელი კომიტეტებისა და მათთან არსებული შემოწმებელი კომისიებითურთ, დაამთავრონ არა უგვიანეს 1930 წლის ივნისის 10-სა და ამის შემდეგ

ერთი კვირის ვადაზე წარუდგინონ ამიერკავკასიის ცენტრალური აღმასრულებელი კომიტეტის პრეზიდიუმს მოხსენება აღნიშნული მუშაობის შედეგების შესახებ.

2. საარჩევნო უფლება-ჩამორთმეულ პირთა სიების შემმოწმებელი ცენტრალური და ადგილობრივი კომისიების მუშაობისათვის საერთო ხელმძღვანელობის გასაწევად ამიერკავკასიის ცენტრალური აღმასრულებელი კომიტეტის პრეზიდიუმთან მოეწყოს ამიერკავკასიის საარჩევნო შემმოწმებელი კომისია.

ამიერკავკასიის ცენტრალური
აღმასრულებელი კომიტეტის თავმჯდომარე მ. ცხაკაია.

ამიერკავკასიის ცენტრალური
აღმასრულებელი კომიტეტის მდივანი ა. შავერდოვი.

1930 წ. მარტის 28.
ტფილისი-სასახლე.

გამოქვეყნებულია „ზარია ვოსტოკა“-ს 87 №-ში 1930 წ. აპრილის 4-ს.

დადგენილება № 233 ა/კსფსრ სახალხო კომისართა საბჭოსი.

მს. პირადი რეწაობის დაბეგრისათვის სახელმწიფო სარეწაო გადასახადის მტკიცე განაკვეთების დაწესების შესახებ.

ა/კსფსრ სახალხო კომისართა საბჭო ადგენს:

სარეწაო გადასახადის დებულების (სსრ კავშირის კან. კრ. 1928 წ. 50 №-ი, მუხ. 443 და 1930 წ. 5 №-ი, მუხ. 53) მე-13 მუხლის საფუძველზე:

1. დაწესებულ იქნეს სახელმწიფო სარეწაო გადასახადის შემდეგი მტკიცე განაკვეთები ა/კსფსრ ტერიტორიაზე პირადი რეწაობის დაბეგრისათვის:

პირადი რეწაობის კატეგორია	განაკვეთი მანეთობით				
	1	2	3	4	5
1	24	20	15	10	6
2	64	52	40	28	16
3	96	78	60	42	24
4	192	156	120	84	48



2. დაწესებულ იქნეს ა/კსფსრ ადგილების შემდეგი განაწილება კლასებად სახელმწიფო სარეწაო გადასახადის მტკიცე განაკვეთით პირადი რეწაობის და-ბეგრისათვის:

I. კლასი—ქ. ტფილისი და ბაქო (სარეწაო რაიონებით და გარეთუნებით);

II. კლასი—ქ. განჯა, ქუთაისი, ბათომი, სოხუმი, ერევანი და ლენინაკანი;

III. კლასი—ქ. აღდამი, ზაქათალა, კუბა, ლენქორანი, ნუხა, სალიანი, გორი და ფოთი;

IV. კლასი—ა/კსფსრ ყველა სხვა ქალაქი და საქალაქო ტიპის დასახლებული ადგილი;

V. კლასი—ა/კსფსრ-ის ყველა სოფელ-ადგილი.

შენიშვნა. დაველოს ა/კსფსრ შედგენილობაში შემავალი რესპუბლიკების მთავრობებს დააწესონ საქალაქო ტიპის დასახლებული ადგილების ნუსხა.

3. პირადი რეწაობის განრიგების 1-ლი მუხლის „ბ“ პუნქტისა და 5, 9 და 14 მუხლების გამონაკლისად ქვემოაღნიშნული საშინამრეწველო და სახელოსნო სარეწაოები დაიბეგრებიან მათთვის დაწესებული მტკიცე განაკვეთის 20%-ით გადიდებული რაოდენობით, ხოლო გადამეტებულ არ უნდა იქნეს მაქსიმალურ-ზღვრული განაკვეთები:

1) ზეინკალი;

2) მეწყალსადენე;

3) მექანიკოსი საკერავი მანქანებისა და ველოსიპედების რემონტის დარგში;

4) საწერი მანქანებისა და ზუსტი სამზომო ხელსაწყოების მექანიკოსი;

5) საწოლების ხელოსანი;

6) მესაათე;

7) მექუდე (აზიური), რომელიც ქუდებს კარაკულისაგან აკეთებს;

8) მექუდე, რომელიც ქუდებს თავისი მასალისაგან აკეთებს;

9) საღებავების წარმოება.

4. 1-ლი მუხლის „ა“ პუნქტის გამონაკლისად შემდეგი საშინამრეწველო და სახელოსნო სარეწაოები დაიბეგრებიან მათთვის დაწესებული მტკიცე განაკვეთის 20%-ით გადიდებული რაოდენობით, ხოლო გადამეტებულ არ უნდა იქნეს მაქსიმალურ-ზღვრული განაკვეთები:

1) ავეჯის მკეთებელი;

2) მნიკელბელი;

3) მკერავი;

4) მკერავი ქალი;

5) მეშლაპე ქალი;

6) მეწაღე.

5. სარეწაო გადასახადის ზემოაღნიშნული დებულების პირადი სარეწაოების განრიგების მე-3 შენიშვნის საფუძველზე დაწესებულ იქნეს ა/კსფსრ საშინამრეწველო და სახელოსნო საწარმოთა მოსწავლე შეგირდებისათვის შეგირდობის ზღვრული ასაკი თვრამეტ წლამდე ამ უკანასკნელი წლითურთ.

6. შემოღებულ იქნეს სამოქმედოდ აღნიშნული დადგენილება 1929 წლის ოქტომბრის 1-დან.

7. ამა დადგენილების სამოქმედოდ შემოღებისათანავე გაუქმებულ იქნეს ა/კსფსრ სახალხო კომისართა საბჭოს 1928 სექტემბრის 3-ის დადგენილება „პირადი რეწაობის დაბეგრისათვის სახელმწიფო სარეწაო ვადასახადის მტკიცე განაკვეთების დაწესების შესახებ“ (ა/კსფსრ კან. კრ. 1928 წ. 18 №-ი, მუხ. 193).

ა/კსფსრ სახალხო კომისართა საბჭოს
თავმჯდომარის მოადგილე ა. ბეგზადიანი.

ა/კსფსრ სახალხო კომისართა საბჭოს
საქმეთა მმართველის თან. დრ. აღმ. ა. ბანოვიჩი.

1930 წ. მარტის 28.

ტფილისი—სასახლე.

გამოქვეყნებულია „ზარია ვოსტოკა“-ს 95 №-ში 1930 წ. აპრილის 12-ს.

დადგენილება № 234 ა/კსფსრ სახალხო კომისართა საბჭოსი.

89. ა/კსფსრ ტერიტორიაზე 1907 წ. დაბადებულ მოქალაქეთა 1929 წელს გაწვევისა და სახელმწიფო ორგანოთა მიერ ამ გაწვევაში უშუალო მონაწილეობისათვის თავიანთი მოვალეობის აღსრულების შესახებ.

ა/კსფსრ სახალხო კომისართა საბჭო ადგენს:

I. მიექცეს ყველა იმ ორგანოს ყურადღება, — რომელიც ვალდებულია მონაწილეობა მიიღოს მოქალაქეთა გაწვევაში სამხედრო სამსახურის გასავლელად, — 1929 წლის გაწვევის დროს მათ მუშაობაში შემჩნეულ უმთავრეს ნაკლს; ეს ნაკლი არის შემდეგი:

ა) აღმასრულებელი კომიტეტებისა, პროფესიონალური კავშირებისა და სახელმწიფო პოლიტიკური სამმართველოს წარმომადგენელნი რეგულიარულად არ ესწრებოდნენ საგამწვეო კომისიების სხდომებს; მათ მაგიერ სხდომებს ხშირად ესწრებოდნენ სხვა პირები, რაც გავლენას ახდენდა კომისიების მუშაობის მსვლელობასა და ხარისხზე;

ბ) სარჩენო უფლება-ჩამორთმეულ პირთა სიებს თავის დროზე არ ადგენდნენ ან სულ არ ურდგენდნენ საგამწვეო კომისიებს, რაც აძნელებდა კლასობრივ უცხო ელემენტების გამორკვევას და შესაძლებლად ჰხდოდა მათ შესვლას მუშათა და გლეხთა წითელი არმიის რიგებში;

გ) სასოფლო საბჭოებს და სარაიონო (სათემო, სადაირო, საგავარაკო) აღმასრულებელ კომიტეტებს სათანადოდ არ ჰქონდათ დაყენებული მუშაობა გაწვე-

ვის საქმეში, განსაკუთრებით—შეღავათების მქონე პირთა გამორკვევის საქმეში, და თავის საქმიანობას ფორმალურად ეკიდებოდნენ;

დ) სასწავლებლების ადმინისტრაციისა და აღმასრულებელი კომიტეტების სახალხო განათლების განყოფილებების მიერ ზუსტი აღნუსხვის უქონლობის გამო, თავის დროზე არ სწარმოებდა საკითხის აღძვრა მასწავლებელთა და მოსწავლეთათვის გაწვევის ვადის გადადების შესახებ; ეს საკითხი აღიძვებოდა ხოლმე გაწვევის დამთავრების პერიოდში;

ე) საკითხი იმ სპეციალისტებისათვის გაწვევის ვადის გადადების შესახებ, რომელთა წასვლას მუშათა და გლეხთა წითელ არმიაში შეეძლო ცუდი გავლენა მოეხდინა სახალხო მეურნეობის მშენებლობაზე, აღიძვებოდა ხოლმე არა მარტო გაწვევის წარმოების პროცესში, არამედ მისი დამთავრების შემდეგაც;

ვ) ზოგიერთი აღმასრულებელი კომიტეტის მიერ ცუდად იყო უზრუნველყოფილი გაწვევის ჩატარება, განსაკუთრებით—დამატებითი სავამწვევო კომისიების მუშაობისათვის საჭირო სადგომებით და ინვენტარით;

ზ) ახსნა-განმარტებითი მუშაობა გასაწვევთა შორის და მოსახლეობაში საკმარისი სისრულით არ სწარმოებდა, თანაც ამ მუშაობაში არ იყვნენ ჩაბმულნი პროფესიონალური კავშირები და თავდაცვა-აგვიპიემის ორგანიზაციები;

თ) საკმარისი ყურადღება არ ექცეოდა გასაწვევთა ევაკუაციის სამკურნალო დაწესებულებებში შესამოწმებლად: მათ არ ეძლეოდათ მიმოსვლის საშუალება ყამირგზებზე.

II. 1908 წ. დაბადებულ მოქალაქეთა გაწვევის მომზადებისა და ჩატარების დროს აღნიშნული ნაკლის გამეორების თავიდან ასაცილებლად—წინადადება მიეცეს:

ა. ა/კფსრ შედგენილობაში შემავალი რესპუბლიკების მთავრობებს:

1. დაავალონ რესპუბლიკების ჯანმრთელობის სახალხო კომისარიატებს:

ა) მისცენ დირექტივი ჯანმრთელობის სახალხო კომისარიატის ადგილობრივ ორგანოებს, რათა მათ, სამხედრო კომისარიატებთან ერთად, გაწვევის საქმეში სამუშაოდ დანიშნულ სამოქალაქო ექიმთა საერთო რიცხვიდან თავის დროზე შეარჩიონ უფრო მომზადებული პირები მორიგ გაწვევაში მონაწილეობის მისაღებად და დანიშნონ ეს ექიმები სავამწვევო კომისიებში ერთი თვით აღრე მაინც გაწვევის დაწყებამდე;

ბ) აკრძალონ სავამწვევო კომისიებში სამუშაოდ დანიშნული სამოქალაქო ექიმებისათვის გაწვევის პერიოდში შეგებულების მიცემა და მათი მივლინებაში გაგზავნა, როდესაც ამას გაწვევასთან კავშირი არა აქვს, და გაწვევის დროს განმავლობაში გაანთავისუფლონ ეს ექიმები სხვა სამსახურებრივი მოვალეობისაგან;

გ) იხმარონ ღონისძიება, რათა შორეულ ადგილას მომუშავე სავამწვევო კომისიები უზრუნველყოფილ იქნენ სპეციალისტ-ექიმებით;

დ) დააკისრონ ჯანმრთელობის სახალხო კომისარიატის ადგილობრივ ორგანოებს ყველა სავამწვევო კომისიის სადგომის დეზინფექცირება გასაწვევთა გამოცხადების დაწყებამდე და მიღებულთა მორიგი პარტიის გაგზავნის შემდეგ.

2. დაევალოს რესპუბლიკების განათლების სახალხო კომისარიატებს—მისცენ სათანადო დირექტივი სახალხო განათლების საოლქო (სამაზრო) განყოფილებებს და სასწავლებლებს, რათა მათ შემოიღონ სამეცნიერო დარგის მომუშავეთა, მასწავლებელთა და მოსწავლეთა სწორე აღნუსხვა და თავის დროზე წარადგინონ მათ შესახებ სახელობითი სიები საოლქო (სამაზრო) საგამწვეო კომისიებში გაწვევის ვადის გადადების გასაფორმებლად.

3. დაევალოს ადგილობრივ აღმასრულებელ კომიტეტებს:

ა) გამოჰყონ საგამწვეო კომისიებისათვის მუდმივი წევრები და მხოლოდ პატივსადებ შემთხვევაში, და ისიც საზედრო კომისარიატისათვის წინასწარი შეტყობინებით, შესცვალონ ისინი მოადგილეებით (აგრეთვე მუდმივი მოადგილეებით); იხმარონ ლონისძიებანი, რათა ზემოაღნიშნული ორგანოების წარმომადგენლებმა უფრო აქტიური მონაწილეობა მიიღონ საგამწვეო კომისიების მუშაობაში;

ბ) მისცენ დამატებითს საგამწვეო კომისიებს სათანადო სადგომები, რაც შესაძლებლად გახდის სამედიცინო შემოწმების ნორმალურ პირობებში წარმოებას, და უზრუნველჰყონ ეს სადგომები განსაზღვრული ინვენტარით სამხედრო კომისარიატების განცხადების თანახმად;

გ) აწარმოონ სოფლის მასწავლებელთა სწორე აღნუსხვა და თავის დროზე წარუდგინონ საგამწვეო კომისიებს აღნიშნულ პირთა სიები გაწვევის ვადის გადადების გასაფორმებლად;

დ) მოაწყონ მუდმივი შესაკრები პუნქტების სადგომებთან თავშესაფარი ან შემოლობილი ადგილი დახურული ფარდულებით გაწვეულთა გამოცხადებისათვის და მიღებულთაგან კომანდების შედგენისათვის ჯარის ერთეულში გასაგზავნად.

ზ. ყველა სახალხო კომისარიატმა, საწარმოო, დაწესებულებამ და ორგანიზაციამ თავის დროზე უნდა წარადგინოს განცხადება, რათა გაწვევის ვადა გადაედოს იმ სპეციალისტებს, რომელთა შეცვლაც შეუძლებელია და რომელთა გაწვევასაც მუშათა და გლეხთა წითელ არმიაში შეუძლიან არახელსაყრელი გავლენა მოახდინოს ა/კსესრ სახალხო მეურნეობის მშენებლობაზე; ამასთანავე აღნიშნულმა ორგანოებმა მხედველობაში უნდა იქონიონ, რომ მიმდინარე წლის ივლისის 1-დან ყველა დაგვიანებული განცხადება საგამწვეო კომისიებისა და კავკასიის წითელდროშოიანი არმიის შტაბის მიერ უარყოფილ იქნება.

ა/კსესრ სახალხო კომისართა

საბჭოს თავმჯდომარე შ. ელიავა.

ა/კსესრ სახალხო კომისართა საბჭოს საქმეთა

მმართველის თანამდებ. დრ. აღმასრულებელი ა. ბანოვიჩი.

1930 წ. აპრილის 5.

ტფილისი-სასახლე.

გამოქვეყნებულია „ზარია ვოსტოკა“-ს 98 №-ში 1930 წ. აპრილის 15-ს.

დადგენილება ამიერკავკასიის ცენტრალური აღმასრულებელი კომიტეტისა და ა/კსფსრ სახალხო კომისართა საბჭოსი.

90. ხე-ტყისა და შეშის დამზადებისა და მერქნის ჩამოტივტივების საქმეში წარმოებული მუშაობის ჩაშლასთან ბრძოლის ღონისძიებათა შესახებ.

რათა ხელი შეეწყოს ხე-ტყისა და შეშის დამზადებისა და მერქნის ჩამოტივტივების გეგმის დაუცადებელ აღსრულებას და რათა უზრუნველყოფილი იქნეს ხე-ტყის დამზადებელი არტელების მუშების თუ წვევების მიერ ხე-ტყისა და შეშის დამზადებელ ორგანიზაციებთან დადებული ხელშეკრულებით ნაკისრი ვალდებულების შესრულება, — ამიერკავკასიის ცენტრალური აღმასრულებელი კომიტეტი და ა/კსფსრ სახალხო კომისართა საბჭო ადგენენ:

1. ხე-ტყის დამზადებელი ან წყალსატივტივო სამუშაოთა არტელის მუშა თუ წვერი, რომელიც ხე-ტყის და შეშის დასამზადებლად ან წყალსატივტივოდ წარმოებულ სამუშაოდან წავა ხელშეკრულებით გათვალისწინებულ ვადაზე ადრე ან ხელშეკრულებით შეპირებული დავალების აღსრულებამდე, ვალდებულია დაუბრუნოს დამკირავებელ ორგანოს მიღებული აფანსი, რის ღირებულების სამუშაოც მას არ შეუსრულებია და აუნაზღაუროს ამ ორგანოს გზის ფული და მიღებული სპეცტანისამოსი.

2. 1-ლ მუხლში აღნიშნული თანხების გადახდევინება სწარმოებს საალსრულებო წარწერის მიღების წესით.

3. უკეთუ მომუშავე ამა თუ იმ დამკირავებლის სამუშაოდან წასვლის შემდეგ სხვა სამუშაოზე გადავა, გადახდევინება საალსრულებო წარწერის საფუძველზე სწარმოებს ახალი დამკირავებლის მიერ, რისთვისაც იგი დაუჭერს მომუშავეს სამუშაო ხელფასის არა უმეტეს, ვიდრე 50 პროცენტს, სახელმწიფო მინიმუმის გამოკლებით. ხოლო, უკეთუ მომუშავეს სამყოფელი ადგილი გამოაკვეთილი არ არის, გადახდევინება მოხდება მომუშავეს მუდმივ საცხოვრებელ ადგილის მიხედვით.

4. წინადადება მიეცეს ა/კსფსრ შედგენილობაში შემავალი რესპუბლიკების მთავრობებს ერთი თვის ვადაზე შეუთანხმონ თავისი კანონმდებლობა ამა დადგენილებას.

ამიერკავკასიის ცენტრალური აღმასრულებელი

კომიტეტის თავმჯდომარე **ს. კახიანი.**

ა/კსფსრ სახალხო კომისართა საბჭოს

თავმჯდომარე **შ. ელიავე.**

ამიერკავკასიის ცენტრალური აღმასრულებელი

კომიტეტის მდივანი **ა. შავერდოვი.**

1930 წ. აპრილის 8.

ტფილისი—სასახლე.

დადგენილება ამიერკავკასიის ცენტრალური აღმასრულებელი კომიტეტისა და ა/კსფსრ სახალხო კომისართა საბჭოსი.

91. წყალთა ადგილობრივი ადმინისტრაციების სათანადო აღმასრულებელი კომიტეტებისა და სასოფლო საბჭოებისათვის დაქვემდებარების შესახებ.

ამიერკავკასიის ცენტრალური აღმასრულებელი კომიტეტი და ა/კსფსრ სახალხო კომისართა საბჭო ადგენენ:

1. წყალთა მეურნეობის საოლქო სამმართველოები.

1. წყალთა ოლქების არსებული სისტემის ნაცვლად მოეწყობა წყალთა მეურნეობის საოლქო (სამაზრო) სამმართველოები, რომელნიც მოქმედობენ განსაკუთრებული დებულების საფუძველზე და ექვემდებარებიან საოლქო (სამაზრო) აღმასრულებელ კომიტეტებს.

შენიშვნა დებულებას წყალთა ადგილობრივი ადმინისტრაციების შესახებ გამოცემენ ა/კსფსრ შედგენილობაში შემავალი რესპუბლიკების საკანონმდებლო ორგანოები.

2. წყალთა მეურნეობის საოლქო (სამაზრო) სამმართველოები მოეწყობა სათანადო საოლქო და სამაზრო აღმასრულებელი კომიტეტების ტერიტორიაზე.

შენიშვნა 1. განსაკუთრებულ შემთხვევაში, როდესაც სარწყავი სისტემის მთლიანობის შენარჩუნებისათვის აუცილებელია, რომ წყალთა მეურნეობის საოლქო (სამაზრო) სამმართველოს საზღვრები გაფართოებულ იქნეს და გასცილდეს ერთი ან რამდენიმე ადმინისტრატიული ოლქის (მაზრის) ტერიტორიას ერთი რესპუბლიკის ფარგლებში—საჭიროა რესპუბლიკის სახალხო კომისართა საბჭოს და ცენტრალური აღმასრულებელი კომიტეტის დადგენილება, რესპუბლიკანური წყალთა მეურნეობის სამმართველოს წარდგენით, და ა/კსფსრ სახალხო კომისართა საბჭოს და ამიერკავკასიის ცენტრალური აღმასრულებელი კომიტეტის დადგენილება, ამიერკავკასიის მებამბეობის კომიტეტის წარდგენით—როდესაც წყალთა მეურნეობის საოლქო (სამაზრო) სამმართველოს საზღვრები რესპუბლიკის ფარგლებს უნდა გასცილდეს.

შენიშვნა 2. საოლქოთაშორისო (სამაზრათაშორისო) და სარესპუბლიკათაშორისო სისტემებზე მოეწყობა სისტემების განსაკუთრებული სამმართველოები, რომელნიც სათანადოდ ექვემდებარებიან წყალთა მეურნეობის რესპუბლიკანურ სამმართველოებს და ამიერკავკასიის მებამბეობის კომიტეტს და მოქმედობენ მათ შესახებ გამოცემული განსაკუთრებული დებულების საფუძველზე.



3. წყალთა მეურნეობის საოლქო (სამაზრო) სამმართველო ექვემდებარება სათანადო აღმასრულებელ კომიტეტს და ტერიტორიალურად იმყოფება საოლქო ან სამაზრო ცენტრში.

შენიშვნა. გამონაკლისის სახით, საოლქო (სამაზრო) წყალთა მეურნეობისათვის უკეთესი მომსახურეობის გაწევის მიზნით, წყალთა მეურნეობის საოლქო (სამაზრო) სამართველო შეიძლება მოთავსებულ იქნეს საოლქო და სამაზრო ცენტრის გარედ, რისთვისაც თვითივე ცალკე შემთხვევაში საჭიროა საოლქო აღმასრულებელი კომიტეტის (სამაზრო აღმასრულებელი კომიტეტის) განსაკუთრებული ნებართვა რესპუბლიკანური წყალთა მეურნეობის სამართველოს მიერ დასაბუთებული მოთხოვნის წარდგენით.

4. საოლქო აღმასრულებელი კომიტეტი (სამაზრო აღმასრულებელი კომიტეტი), წყალთა მეურნეობის საოლქო (სამაზრო) სამართველოს მეშვეობით, განახორცილებს წყალთა მეურნეობის ადმინისტრირებას ადგილობრივ; სარწყავი სისტემის ექსპლოატაციის მხრით იგი თვალყურს ადევნებს: 1) რათა სარწყავი სისტემის მიმდინარე რემონტი თავის დროზე სწარმოებდეს; 2) რათა წყალი თავის დროზე იქნეს გაშვებული; 3) რათა წყალნაკლებობის პერიოდში სარწყავი წყალი პირველ რიგში მიეწოდოს საბჭოთა მეურნეობებს, კოლექტიურ მეურნეობებს და სხვა სახის კოლექტიურ მიწათსარგებლობას და აგრეთვე ბამბის ნათესს და სხვა წასახალისებელ კულტურებს; 4) რათა წყალთა ადმინისტრაციის თანამდებობის პირთა მოქმედება, სათანადო იყოს და მისცეს დასკვნა როგორც ახალი სარწყავი სისტემების მშენებლობისა, ისე არსებული სისტემების ნაწილობრივი გაუმჯობესებისა და ძირითადი რეკონსტრუქციის პროექტების აღსრულების ვადების შესახებ და 5) რათა განხორციელებულ იქნეს წყლის განაწილება კლასიური პრინციპის მიხედვით, საკანონმდებლო ორგანოების დადგენილებათა თანახმად.

5. წყალთა მეურნეობის საოლქო (სამაზრო) სამართველო, რესპუბლიკანური წყალთა მეურნეობის სამართველოს მიერ დადგენილ ვადაზე და ამ უკანასკნელის დავალებათა თანახმად, შეადგენს ოლქის (მაზრის) წყალსამეურნეო სამუშაოთა გეგმას (საპერსპექტივოს და საოპერაციოს) და წინასწარ წარუდგენს მას საოლქო (სამაზრო) აღმასრულებელ კომიტეტს განსახილველად და შესათანხმებლად.

სამუშაოთა შეთანხმებული გეგმები, გარდა მე-6 მუხლში აღნიშნულისა, წარედგინება რესპუბლიკანურ წყალთა მეურნეობის სამართველოს სამუშაოთა ერთიანი წყალსამეურნეო გეგმის შესადგენად.

პირველი რიგის მუშაობა როგორც ახალი სისტემის მშენებლობისა, ისე არსებული სისტემის რეკონსტრუქციის დარგში სწარმოებს რესპუბლიკანური გეგმის თანახმად. წყალთა მეურნეობის საოლქო (სამაზრო) სამართველო პერიოდულად ვაკეთებს ხოლმე მოხსენებას საოლქო (სამაზრო) აღმასრულებელი კომიტეტის პრეზიდიუმში საგეგმო კამპანიის მომზადებისა და მისი მსვლელობის შესახებ.

6. წყალთა მეურნეობის საოლქო (სამაზრო) სამართველო წარუდგენს დასამტკიცებლად საოლქო (სამაზრო) აღმასრულებელ კომიტეტს ცალკეულ წყალსამეურნეო სამუშაოთა კალენდარულ გეგმებს საოპერაციო გეგმის მიხედვით,

კერძოდ, სარწყავი სისტემის მიმდინარე რემონტისა და წყალდიდობასა და ნიაღვრთან ბრძოლის საქმეში წყალსამეურნეო ბეგრის განხორციელების გეგმას და შეუთანხმებს საოლქო (სამაზრო) აღმასრულებელ კომიტეტს წყალბრუნვასთან დაკავშირებულ ღონისძიებებს.

7. წყალთა მეურნეობის საოლქო (სამაზრო) სამმართველო პერიოდულად წარუდგენს ხოლომე ინფორმაციას საოლქო (სამაზრო) აღმასრულებელი კომიტეტის პრეზიდიუმს ოლქში (მაზრაში) სარწყავი კამპანიის მომზადებისა და გატარებისათვის წარმოებული შეშაობის მსვლელობისა, სარწყავი სისტემების მგომარებისა, სამართლის დარღვევისა, სამშენებლო, საღმდგენო, სარემონტო და სხვა წყალსამეურნეო მუშაობის მსვლელობის და აგრეთვე ყველა აღნიშნული მუშაობის დაფინანსების შესახებ, ხოლო საოპერაციო წლის ბოლოს წარუდგენს საოლქო (სამაზრო) აღმასრულებელ კომიტეტს დაწვრილებით მოხსენებას წყალთა მეურნეობის საოლქო (სამაზრო) სამმართველოს წარსული წლის მოქმედების შესახებ და აგრეთვე ცალკეულ საირიგაციო სამუშაოთა საოპერაციო გეგმისა და ზემდგომი ორგანოების დირექტივებისა და საოლქო აღმასრულებელი კომიტეტის დადგენილების აღსრულების შესახებ; თანაც უნდა აღნიშნოს მომავალი წლის პერსპექტივები დასკვნებითა და პრაქტიკული ღონისძიებებით; იმავე დროს ზემოაღნიშნული საინფორმაციო და წლიური ანგარიშები უნდა წარუდგინოს რესპუბლიკანურ წყალთა მეურნეობის სამმართველოს.

8. წყალთა მეურნეობის საოლქო (სამაზრო) სამართველოს უფროსს და მის მოადგილეს დანიშნავს სათანადო რესპუბლიკის წყალთა მეურნეობის სამმართველო და უკეთუ—საოლქო (სამაზრო) აღმასრულებელი კომიტეტი ერთი თვის განმავლობაში არ მოითხოვს მათ ჩამოცილებას—ისინი დამტკიცებულ იქნებიან თანამდებობაზე.

9. წყალთა ოლქებთან არსებული წყალთა საბჭოები გაუქმებულ უნდა იქნეს და მათ მაგიერ მოეწყოს საოლქო (სამაზრო) აღმასრულებელი კომიტეტების საირიგაციო სექციები ოთხი წევრის შედგენილობით და წყალთა მეურნეობის საოლქო (სამაზრო) სამმართველოს უფროსის თავმჯდომარეობით; სექციები მოქმედობენ განსაკუთრებული დებულების საფუძველზე.

II. წყალთა რაიონები.

10. რათა წყალთა ოლქების შედგენილობაში შემავალი წყალთა რაიონების საზღვრები უფრო მიუახლოვდეს რაიონების ახლად დადგენილ ადმინისტრაციულ საზღვრებს, რათა აგროტექნიკურ ღონისძიებათა კომპლექსი უფრო დაუკავშირდეს საირიგაციო ღონისძიებებს და რათა წყალთა ქვედა ადმინისტრაცია დაექვემდებაროს აღმასრულებელ კომიტეტებს,—არსებული წყალთა რაიონები გაუქმებულ იქნეს. წყალთა მეურნეობის საოლქო (სამაზრო) სამართველო დაიყოფა წყალთა რაიონებად, რომელნიც ტერიტორიულად თანამთხვევნი იქნებიან რაიონების ახალ ადმინისტრაციულ საზღვრებისა.

შენიშვნა. წყალთა რაიონი, მისი რაციონალურად მართვა-გამგებლობის მიზნით, განაწილდება ცალკეულ უბნებად წყალთა ნიშნების მიხედ-



ვით (სამერაბო), რომელთა სათავეშიაც სდგანან მერაბები; მერაბს დანიშნავს ჰიდროტექნიკოსი სარაიონო, აღმასრულებელ კომიტეტთან შეთანხმებით, და იგი მოქმედობს განსაკუთრებული დებულების საფუძველზე.

11. წყალთა რაიონის სათავეში სდგას რაიონის ჰიდროტექნიკოსი, რომელიც ექვემდებარება სარაიონო აღმასრულებელ კომიტეტს.

12. რაიონის ჰიდროტექნიკოსის დანიშნავს წყალთა მეურნეობის საოლქო (სამაზრო) სამმართველო და, უკეთეს სარაიონო აღმასრულებელი კომიტეტი ერთი თვის განმავლობაში არ მოითხოვს მის ჩამოცილებას, იგი დამტკიცებულ იქნება თანამდებობაზე.

შენიშვნა. უკეთეს ერთი სისტემა მომსახურებას უწევს ერთს ან რამდენსამე წყალთა რაიონს, დაწესებულ უნდა იქნეს განსაკუთრებული თანამდებობა სისტემის ჰიდროტექნიკოსისა, რომელიც მოქმედობს განსაკუთრებული დებულების საფუძველზე.

13. რაიონის ჰიდროტექნიკოსი, — წყალთა მეურნეობის საოლქო სამმართველოს საერთო წყალსამეურნეო გეგმის საფუძველზე და ამ სამმართველოს დავალების მიხედვით, — შეადგენს წყალსამეურნეო სამუშაოთა გეგმებს (საპერსპექტივის და საოპერაციის), წარუდგენს მათ განსახილველად სარაიონო აღმასრულებელ კომიტეტს და ამ უკანასკნელის დასკვნითურთ გაუგზავნის წყალთა მეურნეობის საოლქო (სამაზრო) სამმართველოს დადგენილ ვადაზე.

14. რაიონის ჰიდროტექნიკოსი შეიმუშავებს ცალკეულ წყალსამეურნეო სამუშაოთა შესრულების საკალენდრო გეგმებს, კერძოდ, შეიმუშავებს არსებული სისტემების რემონტისათვის და წყალდიდობასთან და ნიაღვართან ბრძოლისათვის წყლის მოსარგებლეთა წყალსამეურნეო ბეგარაზე გაწვევის გეგმას, შეუდგენს წყლის განაწილების გეგმებს და წყალთა მეურნეობის საოლქო სამმართველოს მიერ დამტკიცების შემდეგ წარუდგენს მათ სარაიონო აღმასრულებელ კომიტეტს განსახორციელებლად.

15. რაიონის ჰიდროტექნიკოსი პერიოდულად წარუდგენს ხოლმე ინფორმაციას სარაიონო აღმასრულებელი კომიტეტის პრეზიდიუმს რაიონში რწყვის კამპანიის მომზადებისა და გატარებისათვის წარმოებული მუშაობის მსვლელობისა, სარწყავი სისტემის მდგომარეობისა, სამართლის დარღვევისა და სხვ. შესახებ, ხოლო საოპერაციო წლის ბოლოს წარადგენს სრულ ანგარიშს თავისი მოქმედებისა, წყალთა მეურნეობის მდგომარეობისა, წარსული წლის მიღწევებისა და მომავალი წლის პერსპექტივების შესახებ სათანადო დასკვნებით და პრაქტიკული ღონისძიებით.

16. სარაიონო აღმასრულებელი კომიტეტი, სამუშაოთა დამტკიცებული საოპერაციო და საკალენდრო გეგმების ფარგლებში, ხელს შეუწყობს რაიონში წყლსამეურნეო ღონისძიებათა წარმატებით აღსრულებას, გადასაზიდ საშუალებათა შოვნას და მუშაობის წარმოების ადგილას ადგილობრივი საშენი მასალისა და ადგილობრივ სახმარებელი იარაღების მიზიდვას და თვალყურს ადევნებს ყოველივე ამის აღსრულებას.

17. სარაიონო აღმასრულებელი კომიტეტი, რაიონის ჰიდროტექნიკოსის მეშვეობით, თავალყურს ადევნებს რაიონში წყლის სათანადო განაწილებას და,

ჰიდროტექნიკოსის შუამდგომლობით, მიიღებს საჭირო ღონისძიებას წყალთა სარგებლობის დარღვეული წყის აღსადგენად და მის დასაცავად და პასუხს აგებს წყლის განაწილების საკითხების შესახებ გამოცემული დეკრეტებისა და დადგენილებების განხორციელებისათვის კლასობრივი ნიშნის მიხედვით; თანაც აცნობებს საოლქო (სამაზრო) აღმასრულებელ კომიტეტს წყლის ადმინისტრაციის თანამდებობის პირთა მიერ წყალსამეურნეო პოლიტიკის გამრუდების ყველა შემთხვევას

18. სარაიონო აღმასრულებელი კომიტეტი, დამტკიცებული საექსპლოატაციო ხარჯთაღრიცხვის თანახმად, განახორციელებს ყველა იმ წყალსამეურნეო ღონისძიებათა დაფინანსებას, რაც წყლის გამოსაღების სახსარით სრულდება და ამავე დროს იზრუნებს, რათა რაიონის ჰიდროტექნიკოსს თავის დროზე მიეცეს საჭირო თანხები, ვიდრე წყლის გამოსაღები შემოვიდოდეს.

19. შეუთანხმებლობა, რაც აღიძვრის სარაიონო აღმასრულებელ კომიტეტსა და რაიონის ჰიდროტექნიკოსს შორის წყალსამეურნეო ღონისძიებათა საოპერატივო გეგმის პრაქტიკული განხორციელების საკითხების გამო, გადაეცემა გადასაწყვეტად საოლქო (სამაზრო) აღმასრულებელ კომიტეტს; ამასთანავე, კონფლიქტის გადაწყვეტამდე წყალსამეურნეო მუშაობის შესრულება არ შეჩერდება.

20. რაიონის ფარგლებში წყალთა განაწილებისა და წყალთა სარგებლობის ნიადაგზე აღძრული დავა გადაწყდება სარაიონო აღმასრულებელი კომიტეტის მიერ რომელთანაც მოეწყობა სექცია; სექციის შედგენილობაში შევლენ: თავმჯდომარე, რომელსაც დანიშნავს სარაიონო აღმასრულებელი კომიტეტი, რაიონის ჰიდროტექნიკოსი და წყალმოსარგებლეთა სამი წარმომადგენელი.

III. სოფლის საჯუშპარო.

21. ქვედა წყალსამეურნეო ერთეული ადგილობრივ არის სოფლის საჯუშვარო, რომელიც თავის საზღვრებით თანამთხვევია სასოფლო საბჭოს ადმინისტრაციული საზღვრებისა.

22. სოფლის საჯუშვაროს სათავეში სდგას სოფლის ჯუშვარი, რომელიც ექვემდებარება სასოფლო საბჭოს და მომსახურებას უწევს საჯუშვაროს, სასოფლო საბჭოს დირექტივების თანახმად და რაიონის ჰიდროტექნიკოსის დავალებებისა და სოფლის ჯუშვარების შესახებ გამოცემული განსაკუთრებული დებულებების შესაბამისად.

23. სოფლის ჯუშვარს ყოველწლიურად, ვიდრე საზაფხულო თუ საზამთრო კულტურების მორწყვა დაიწყებოდეს, უნდა ჰქონდეს წყალმოსარგებლეთა სახელობითი სიები; ეს სიები მან უნდა წარუდგინოს სასოფლო საბჭოს და, ამ უკანასკნელის დირექტივის თანახმად, უნდა გაანაწილოს წყალმოსარგებლენი კლასობრივი პრინციპის მიხედვით.

24. სოფლის ჯუშვარი, რაიონის ჰიდროტექნიკოსის ან მერაბის საინსტრუქციო დირექტივების თანახმად, შეუთანხმებს სასოფლო საბჭოს წყალმოსარგებლეთა შორი, წყალსამეურნეო საზოგადოებრივი ბეგარის მიხედვით, მუშაობის განაწილების გეგმას, გამოიყენებს სასოფლო საბჭოს დირექტივებს საჭირო



რაოდენობის მუშა-ძალისა, სატრანსპორტო საშუალებებისა, ინსტრუმენტებისა და ადგილობრივი საშენი მასალის განწესის შედგენის დროს და მიმართავს, სასოფლო საბჭოს მეშვეობით, ადმინისტრატიული ზეგავლენის ღონისძიებას იმ წყალმოსარგებლეთა მიმართ, რომელნიც წყალსამეურნეო ბეგარას თავს აარიდებენ.

25. სოფლის ჯუვარს დანიშნავს სასოფლო საბჭო, ჰიდროტექნიკოსთან შეთანხმებით, ღარიბ წყალმოსარგებლეთაგან, რომელთაც იციან სოფლის-შიგნითი წყალგანაწილება.

26. რწყვის პერიოდის დამთავრებისას სასოფლო საბჭო მოიწვევს წყალმოსარგებლეთა საერთო კრებას, რომელსაც სოფლის ჯუვარი წარუდგენს ანგარიშს თავისი მუშაობის შესახებ.

27. რათა ადმინისტრატიულმა ორგანოებმა უკეთესი მომსახურება გაუწიონ სპეციალურად წყალთა მეურნეობის საქმეს, სასოფლო საბჭოსთან მოეწყობა წყალთა სექცია, რომელიც დაექვემდებარება სასოფლო საბჭოს და იმოქმედებს განსაკუთრებული დებულების საფუძველზე.

28. წყალთასარგებლობა აგრო-ინდუსტრიალური კომბინატებისა, სასოფლო-შორისო სამანქანო-სატრაქტორო სადგურებისა და მთლიანი კოლექტივიზაციის რაიონებში მოწესრიგდება განსაკუთრებული დებულებით.

ამიერკავკასიის ცენტრალური
აღმასრულებელი კომიტეტის თავმჯდომარე ს. კახიანი.

ა/კსფსრ სახალხო კომისართა
საბჭოს თავმჯდომარის მოადგილე ა. ბეგზალიანი.

ამიერკავკასიის ცენტრალური
აღმასრულებელი კომიტეტის მდივანი ა. დოლიძე.

1930 წ. აპრილის 8.
ტფილისი-სასახლე.

დადგენილება ამიერკავკასიის ცენტრალური აღმასრულებელი კომიტეტისა და ა/კსფსრ სახალხო კომისართა საბჭოსნი.

92. ა/კსფსრ-ში იმ საზოგადოებათა და კავშირთა დაარსებისა და ლიკვიდაციის წესის შესახებ, რომელნიც მოგებას არ მისდევენ.

ამიერკავკასიის ცენტრალური აღმასრულებელი კომიტეტი და ა/კსფსრ სახალხო კომისართა საბჭო ადგენენ:

1. იმ საზოგადოებისა და კავშირის წესდება, რომელიც მოგებას არ მისდევს და რომლის მოქმედებაც ვრცელდება მთლად ა/კსფსრ-ის ტერიტორიაზე

ან ა/კსფსრ-ის შედგენილობაში შემავალი რესპუბლიკის ტერიტორიაზე, დამტკიცებულ უნდა იქნეს ა/კსფსრ-ის შედგენილობაში შემავალი იმ რესპუბლიკის კანონმდებლობის წესისამებრ, რომლის ტერიტორიაზედაც იქნება საზოგადოების თუ კავშირის გამგეობის სამყოფელი ადგილი.

2. 1-ლ მუხლში აღნიშნული ორგანიზაციების მოქმედების დასაწყებად ა/კსფსრ-ის შედგენილობაში შემავალი ამა თუ იმ რესპუბლიკის ტერიტორიაზე, დამტკიცებული წესდება რეგისტრირებულ უნდა იქნეს სათანადო რესპუბლიკის კანონმდებლობის წესისამებრ.

3. უკეთეს საზოგადოება ან კავშირი დაარღვევს სსრ კავშირისა, ა/კსფსრ-ისა ან ამა თუ იმ რესპუბლიკის კანონმდებლობას, ა/კსფსრ-ისა და მის შედგენილობაში შემავალი რესპუბლიკის სათანადო ორგანოებს შეუძლიანტ მოსპონ ამ საზოგადოებისა ნა კავშირის მოქმედება ა/კსფსრ-ისა თუ ცალკეული რესპუბლიკის ტერიტორიაზე, რაც იმავე დროს უნდა აცნობონ იმ ორგანოს, რომელმაც წესდება დაამტკიცა.

დადგენილება საზოგადოებისა თუ კავშირის ლიკვიდაციის შესახებ, რასაც გამოიტანს ა/კსფსრ-ის სათანადო ორგანო ან ა/კსფსრ შედგენილობაში შემავალი იმ რესპუბლიკის ორგანო, რომლის ტერიტორიაზედაც საზოგადოების თუ კავშირის გამგეობა იმყოფება, გავრცელდება მთლად სსრ კავშირის ტერიტორიაზე, სსრ კავშირის ცენტრალური აღმასრულებელი კომიტეტისა და სახალხო კომისართა საბჭოს 1930 წლის იანვრის 6-ის ანალოგიური დადგენილების თანახმად (სსრ კავშირის კან. კრ. 1930 წ. მე-7 №-ი, მუხ. 76).

4. იმ საზოგადოებათა და კავშირთა დამტკიცებული წესდების შეცვლა, რომელნიც მოგებას არ მისდევენ, სწარმოებს ამა დადგენილების 1-ლი მუხლის წესისამებრ.

ამიერკავკასიის ცენტრალური
აღმასრულებელი კომიტეტის თავმჯდომარე **ხ. კახიანი.**

ა/კსფსრ სახალხო კომისართა
საბჭოს თავმჯდომარის მოადგილე **ა. ზეგზადიანი.**

ამიერკავკასიის ცენტრალური
აღმასრულებელი კომიტეტის მდივანი **ა. დოლიძე.**

1930 წ. აპრილის 8.
ტფილისი-სახალხო.

დადგენილება ამიერკავკასიის ცენტრალური აღმასრულებელი კომიტეტისა და ა/კსფსრ სახალხო კომისართა საბჭოსი.

93. „საბავშვო ბავათა, საბავშვო ბაღთა და ბავშვების დამცველ სხვა დაწესებულებათა მიერ მუშა-ქალების ბავშვებისათვის გასაწევი მომსახურების გასაძლიერებლად საჭირო ღონისძიებათა თაობაზე“ გამოცემული ამიერკავკასიის ცენტრალური აღმასრულებელი კომიტეტისა და ა/კსფსრ სახალხო კომისართა საბჭოს 1928 წლის ნოემბრის 19-ის დადგენილების მე-2 მუხლის შეცვლის შესახებ.

ამიერკავკასიის ცენტრალური აღმასრულებელი კომიტეტი და ა/კსფსრ სახალხო კომისართა საბჭო ადგენენ:

„საბავშვო ბავათა, საბავშვო ბაღთა და ბავშვების დამცველ სხვა დაწესებულებათა მიერ მუშა-ქალების ბავშვებისათვის გასაწევი მომსახურების გასაძლიერებლად საჭირო ღონისძიებათა შესახებ“ გამოცემული ამიერკავკასიის ცენტრალური აღმასრულებელი კომიტეტისა და ა/კსფსრ სახალხო კომისართა საბჭოს 1928 წლის ნოემბრის 19-ის დადგენილების (ა/კსფსრ კან. კრ. 1928 წ. 20 №-ი, მუხ. 236 და 1930 წ. მე-2 №-ი, მუხ. 8) მე-2 მუხლი მიღებულ იქნეს შემდეგი რედაქციით:

„მუხ. 2. დაწესებულ იქნეს, რომ მუშა-მოსამსახურეთა ყოფაცხოვრების გაუმჯობესების ფონდის, არსებული წესისამებრ, განაწილების დროს იმ საწარმოსა და ორგანიზაციაში, სადაც შემოღებულია ქალთა შრომა, საბავშვო ბავათა, საბავშვო ბაღთა და ბავშვების დამცველ სხვა დაწესებულებათა მშენებლობისა და შენახვისათვის გამოყოფილ უნდა იქნეს სათანადო ფონდის საერთო თანხის 5-დან 10 პროცენტამდე საწარმოში მომუშავე ქალთა რიცხვის ამ საწარმოს მომუშავეთა საერთო რიცხვთან შეფარდების მიხედვით, სახელდობრ: ა) 5%-მდე, როდესაც ქალთა რიცხვი არის 20%-დე ამიანად; ბ) 8%, როდესაც ქალთა რიცხვი არის 21-დან 50%-მდე და გ) 10%, როდესაც ქალთა რიცხვი 50%-ს აღემატება“.

ამიერკავკასიის ცენტრალური

აღმასრულებელი კომიტეტის დავმჯდომარე **ს. ძახიანი.**

ა/კსფსრ სახალხო კომისართა

საბჭოს თავმჯდომარის მოადგილე **ა. ბეგზადიანი.**

ამიერკავკასიის ცენტრალური

აღმასრულებელი კომიტეტის მდივანი **ა. დოლიძე.**

1930 წ. აპრილის 8.

ტფილისი-სასახლე.

დადგენილება № 236 ა/კსფსრ სახალხო კომისართა საბჭოსი.

94. წყალში დალუპვისაგან გადამრჩენ საზოგადოებათა მოქმედების განვითარებისათვის ხელისშემწყობ ღონისძიებათა შესახებ.

ა/კსფსრ სახალხო კომისართა საბჭო ადგენს:

1. წინადადება მიეცეს ა/კსფსრ-ის შედგენილობაში შემავალი რესპუბლიკების სახალხო კომისართა საბჭოებს ყოველგვარად ხელი შეუწყონ წყალში დალუპვისაგან გადამრჩენი საზოგადოებების მიერ თავისი ფილიალების დაარსებას და აგრეთვე ამ საზოგადოებებისა და მათი ორგანოების მოქმედების განვითარებას.

2. ნება მიეცეს სსრ კავშირის წყალში დალუპვისაგან გადამრჩენ საზოგადოებათა კავშირს და მის მიერ გაერთიანებულ საზოგადოებებს ჩაატარონ ა/კსფსრ ტერიტორიაზე ყოველწლიურად ივლისის 1-დან 7-მდე „წყალში დალუპვისაგან გადამრჩენის კვირა“ ფულის ნებაყოფლობითი შეგროვებით და სანახაოებისა, მოხსენებებისა და ლექციების მოწყობით ამ საზოგადოებათა სახარისის გასაძლიერებლად.

3. მიენიჭოს წყალში დალუპვისაგან გადამრჩენ საზოგადოებათა ა/კსფსრ-ში ზღვაზე და შინა-წყალსავალ გზებზე ნავთვამქირავებელი ნავთსაყუდებისა, წყალგადასასვლელებისა, ბორნებისა, საბანაოებისა და პლაჟების შენახვისა, იჯარით აღებისა და ექსპლოატაციის უპირატესი უფლება ყველა სხვა დაწესებულებასა, ორგანიზაციასა და პირთან შედარებით, და განთავისუფლებულ აქნენ ეს საზოგადოებანი იმ მიწისა და წყლის ნაკვეთების საიჯარო ქირისაგან, რასაც ისინი გამოიყენებენ წყალში დალუპვისაგან გადამრჩენი პუნქტებისა, ცურვის სკოლებისა და ზემოხსენებულ საწარმოთა მოსაწყობად.

4. განთავისუფლებულ იქნენ სსრკ-ის წყალში დალუპვისაგან გადამრჩენ საზოგადოებათა კავშირი, მის მიერ გაერთიანებული საზოგადოებანი და მათი საწარმონი სასამართლო გამოსაღებისა და ბაჟისაგან და აგრეთვე იმ აქტების სანოტარო გამოსაღებისაგან, რომელთა სანოტარო წესით დამოწმება სავალდებულოა.

5. წინადადება მიეცეს ა/კსფსრ ფინანსთა სახალხო კომისარიატს განთავისუფლოს სსრკ-ის წყალში დალუპვისაგან გადამრჩენ საზოგადოებათა კავშირისა და მის მიერ გაერთიანებული საზოგადოებების წარმოებითი საწარმონი, რომელნიც უშუალო მომსახურებას უწევენ ამ ორგანიზაციათა საქიროებას, და აგრეთვე საბანაოები, რომელთაც უშუალოდ ეს ორგანიზაციები ინახავენ იჯარით გაუცემლად, სახელმწიფო სარეწაო და საშემოსავლო გადასახადისაგან — სახელმწიფო სარეწაო გადასახადის დებულების 41 მუხლისა და სახელმწიფო საშემოსავლო გადასახადის დებულების 16 მუხლის წესისამებრ.

6. წინადადება მიეცეს ა/კსფსრ-ის შედგენილობაში შემავალი რესპუბლიკების სახალხო კომისართა საბჭოებს შეიტანონ აღნიშნული რესპუბლიკების კანონმდებლობაში ამა დადგენილების მე-3 და მე-4 მუხლებიდან გამომდინარე ცვლილებანი.

ა/კსფსრ სახალხო კომისართა

საბჭოს თავმჯდომარის მოადგილე ა. ბეგზადიანი.

ა/კსფსრ სახალხო კომისართა საბჭოს

საქმეთა მმართველის თანამდებ. დრ. აღმასრულებელი ა. ბანოვიჩი.

1930 წ. აპრილის 8.

ტფილისი-სასახლე.

დადგენილება ამიერკავკასიის ცენტრალური აღმასრულებელი კომიტეტისა და ა/კსფსრ სახალხო კომისართა საბჭოსი.

მწ. ქალაქის სოფელთან დაკავშირების საზოგადოებისათვის შედგენილების მინიჭების შესახებ.

ამიერკავკასიის ცენტრალური აღმასრულებელი კომიტეტი და ა/კსფსრ სახალხო კომისართა საბჭო ადგენენ.

1. ქალაქის სოფელთან დაკავშირების საზოგადოების მიერ საშეფო სოფლებში მიმდინარე მუშაობისათვის გაგზავნილ მუშებს სახელმწიფო და სამეურნეო ორგანიზაციებმა უნდა შეუწარმოონ სამუშაო ხელფასი ვადით არა უმეტეს ხუთი დღისა.

2. განთავისუფლებულ იქნენ სარეწაო და ადგილობრივი გადასახადისაგან ის სივარდო და სამრეწველო საწარმონი, რომელთა ექსპლოატაციასაც ეწევა ქალაქის სოფელთან დაკავშირების საზოგადოება იჯარით გაუცემლად.

3. დაევალოს სამეურნეო ორგანიზაციებს, რომლებთანაც არსებობს საშეფო საზოგადოების ცალკეული უჯრედები, მისცენ ხოლმე ამ უჯრედებს პერიოდულად საკუთარი სამიმოსვლო საშუალებანი.

4. წინადადება მიეცეს ამიერკავკასიის რკინიგზის გამგეობასთან არსებულ საუწყებთაშორისო სატარიფო თათბირს დააწესოს მთლად ამიერკავკასიის რკინიგზის მანძილზე შედგავთიანი სამგზავრო ტარიფი ქალაქის სოფელთან დაკავშირების საზოგადოების მიერ საშეფო მუშაობის საწარმოებლად სოფლად გაგზავნილი მუშებისათვის რიცხვით სამი ათას კაცამდე.

ამიერკავკასიის ცენტრალური აღმასრულებელი

კომიტეტის თავმჯდომარე ა. კახიანი.

ა/კსფსრ სახალხო კომისართა საბჭოს

თავმჯდომარე შ. ელიავა.

ამიერკავკასიის ცენტრალური აღმასრულებელი

კომიტეტის მდივანი ა. შავერლოვი.

1930 წ. აპრილის 8.

ტფილისი-სასახლე.

დადგენილება № 235 ა/კსფსრ სახალხო კომისართა საბჭოსი.

96. „რკინისგზით და წყლის ტრანსპორტით პურეული ტვირთის გადაზიდვის ეკონომიურადმო წესრიგების თაობაზე“ გამოცემული ა/კსფსრ სახალხო კომისართა საბჭოს 1929 წლის ოქტომბრის 18-ის დადგენილების მოქმედების შეჩერების შესახებ.

ა/კსფსრ სახალხო კომისართა საბჭო ადგენს:

„რკინისგზით და წყლის ტრანსპორტით პურეული ტვირთის გადაზიდვის ეკონომიურად მოწესრიგების შესახებ“ გამოცემული ა/კსფსრ სახალხო კომისართა საბჭოს 1929 წლის ოქტომბრის 18-ის დადგენილების (ა/კსფსრ კან. კრ. 1929 წ. 20 №-ი, მუხ. 195) მოქმედება შეჩერებულ იქნეს მთავრობის განსაკუთრებულ დადგენილებამდე.

ა/კსფსრ სახალხო კომისართა

საბჭოს თავმჯდომარის მოადგილე ა. ბეგზალიანი.

ა/კსფსრ სახალხო კომისართა საბჭოს საქმეთა

მმართველის თანამედბ. დრ. აღმასრულებელი ა. ბანოვიჩი.

1930 წ. აპრილის 11.

ტფილისი-სასახლე.

გამოქვეყნებულია „ზარია ვოსტოკა“-ს 96 №-ში 1930 წ. აპრილის 13-ს.

დადგენილება № 49 ა/კსფსრ შრომის სახალხო კომისარიატისა.

97. მთლიანი კოლექტივიზაციის რაიონებში დროებით სამუშაოდ გაგზავნილ მოანგარიშე-მომუშავეების შეღავათების შესახებ.

მთლიანი კოლექტივიზაციის რაიონებში დროებით სამუშაოდ გაგზავნილ მომუშავეთა უფლებრივი მდგომარეობის მოსაწესრიგებლად ა/კსფსრ შრომის სახალხო კომისარიატი, ამიერკავკასიის პროფესიონალურ კავშირთა საბჭოსთან შეთანხმებით, ადგენს:

მოანგარიშე-მომუშავეს, რომელსაც პროფესიონალური ორგანიზაცია გაგზავნის მთლიანი კოლექტივიზაციის რაიონში დროებით სამუშაოდ, სამუშაო ხელფასი და აგრეთვე დღიური, საბინაო და საგზაო ფული მიეცემა იმ დაწესებულების თუ საწარმოს მიერ, სადაც მივლინებული მუდმივად მუშაობდა.

სამუშაო ხელფასი მიეცემულ უნდა იქნეს მივლინებულის უკანასკნელი ჯამაგირის რაოდენობით, დღიური — თვიური ჯამაგირის ერთი მესამოცედი ნაწილის რაოდენობით, ბინის ფული — 2 მანეთის რაოდენობით დღეობაში (უკეთეს მივლინებულს ბინა ნატურად არ მიეცა) და საგზაო ფული — ნამდვილი ღირებულების რაოდენობით.

ა/კსფსრ შრომის სახალხო კომისრის მოადგილე **შახსუფარიანი.**

საგეგმო-საორგანიზაციო სამმართველოს უფროსი **ფარჯანაძე.**

შეთანხმებულია ამიერკავკასიის პროფ.

კავშირთა საბჭოსთან **ხოჯამიროვი.**

1930 წ. აპრილის 10.

ტფილისი-სასახლე.

გამოქვეყნებულია „ზარია ვოსტოკა“-ს 96 №-ში 1930 წ. აპრილის 13-ს.